

華
嶽
全
集

華嶽全集卷之八

欽命鎮寧潼關兼攝河南山陝等處地方軍民事務馬廐山伯馬耀
欽命鎮寧潼關等處地方提督軍務兼理學政防禦使劉蘇

華陰縣縣令曹士倫編輯
華陰縣學正王名立較正

藝文

詩

七言古風

唐

送丹丘子

李白

西嶽崢嶸何壯哉黃河如絲天際來黃河萬里觸山

動盤渦谷轉秦地雷榮光休氣分五彩千年一清聖
人在巨靈咆哮壁兩山洪波噴流射東海三峰却立
如欲摧翠崖丹谷高掌開白帝金精運元氣石作蓮
花雲作臺閣通窈冥人不到中有不死丹丘生明星
玉女備洒掃麻姑搔背指爪輕我皇手把天地戶丹
丘談天與天語九重出入生光輝東海蓬萊復西歸
玉漿倘惠故人飲身騎茅龍上天飛

玉井

韓愈

太華峰頭玉井蓮花開十丈藕如船冷比雪霜甘比

蜜一片入口沉痾痊我欲求之不憚遠青壁無路難
貪緣安得長梯上摘實下種七澤根株連

過華上

唐中立

京師西來幾千里歷遍群山盡凡鄙今朝太華偶相
遇塵襟頓豁平生喜誰云捧出司寇冠冠持立萬仞端
無倚寒泉直下素電飛石嶺橫截蒼龍起不見峰頭
十丈蓮岩間尚有神仙柏晴天往往白雲封雲斷嵐
光尤艷美解鞍豈難上金勒野鶴唳空日取畧

宋

華山

邵堯夫

大華中峰五千仞下有大道人往還當時馬上一回
首十載夢魂猶過關生平愛山山未足由此看盡天
下山求如華山是難得使人消得一生閑

元

華山寄元裕之

趙秉文

滄陽人

我從秦川來遍歷終南遊暮行華陰道清出明雙眸
東風一夜橫作惡塵埃咫尺迷岩幽山神戲人亦薄
相一盃未盡陰霾收但見兩崖巨壁棹劒戟流泉夾
道鳥嶙峋希夷石室綠蘿合金仙鶴駕空悠悠石門
劃斷一峰出婆娑石上為遲留上方可望不可到崖

隱路絕令人愁十盤九折羊角上青柯坪上得少休
三峰壁立五千仞其下無址傍無儔巨靈仙掌在霄
漢銀河飛下青雲頭或云奇勝在高頂脚力未易供
冥搜蒼龍嶺瘦苔鮮滑半空石磴誰雕鏤每怜風自
四山而下不見底惟聞松聲萬壑寒颼颼捫參歷拜
到絕頂下視塵世區中囚酒酣蒼茫瞰無際塊視五
嶽界九州南望漢中山碧玉簪亂抽况復秦宮與漢
闕飄然聚散風中漚上有明星玉女之洞天二十八
宿環且周又有千歲之玉蓮花開十丈藕如舟五粒

不朽之長松流膏入地盤蛟虬採根食實可羽化方
矐絲髮三千秋時聞笙簫明月夜芝輶羽蓋來瀛洲
乾坤不老青山色日月萬古無停輶君且為我從回
六龍轡我亦為君倒却黃河流終期汗漫遊八極乘
風更覓元丹丘

希夷堂歌

白玉蟾

道人久矣泯耳目蕭然自如脫羈束朝從扶桑日頭
起暮趁崑崙雲脚伏青牛過關今幾年此道分明在
目前昨夜瑤琴三疊後一堂風冷月娟娟

皇明

題徐資深華山圖歌

劉基青田人

華岳插天七千丈丹崖翠壁開仙掌壁間擘出黃河
流大禹以之分九州河流滾滾赴溟漲華嶽拔出天
河上雲宮霧窟疑本無石室金臺儼相向玉泉高通
玉井津中有蓮實如車輪時人肉食未羽化可望不
得聊相親高堂晚晴圖盡展眼明一見心自遠世間
塵土今紛紛吾當拂水卧山雲

華山四首

王履姑蘇人

廬山秀在外華山秀在裏要識真面目即彼鐵鑊是

鐵懸當在雲上頭縱橫曲直是誰謀吾今判著浮生
去不見神奇不罷休

落鴈峰

呼吸通帝座峰指落鴈尊我已極其高不見南峰隣
南峰之上天可捫清都有無吾未聞忽逢征鴈急注
目縹緲送入南峰雲

詠荷花

池蓮并蓮俱無徵上峰下峰空復晴山蕪地陷忽露
形爛熳化作千娉婷水晶之宮秋眇冥綠綃紅膩琉

鵲屏俊驢健僕風泠泠欲行不行宵難名漢臯洛浦
方合并野人解唱江南聲

出山谷

出山何如入山時得則歡喜失則悲既非長往胡不
蹄有形雖遠無形隨同行之畔各有宜故吾未辨今
吾誰圖中索驥徒爾為驥黃牝牡神持機旁人不信
微乎微丹青詠歌還相知不詩與圖形乃遺詩之圖
之寧非迷自賞未已復自嗤欲言不言忽忘之五十
二歲氣日羸今當與爾長別離西風蕭蕭吹征衣

題李伯時西嶽降靈圖

詹洞徽州人

松鶴蔡先生家藏李伯時西嶽降靈圖前二人騎行
後三人徒步狀若馳獵者其最后則有雲氣神人在
其中嗟夫禹鼎象姦齊諧志怪世或有之但恨無胥
臣之多聞子產之博物歷覽載籍未遑夷考模寫畫
像為作短篇以俟知者

龍眠居士畫入神展畫冥搜畫中意白日杲杲人出
畎長風蕭蕭雲拂地前有一匹雪色駮次有一匹玄
花驄兩人冠服何其雄若非將相應王公繁纓寶鞍

金匱各持羽箭懋雕弓後有三入總徒步蒼鷹黃
犬行相從雲中款見光燦爛玉輅瑤輿下霄漢不駕
紫鳳白麒麟海犀天駟多奇玩鸞旌虎節旋低昂星
伏霞幢互繚亂無乃朝辭太華峰得非曉過雲臺觀
輦中坐者真天人晃珠龍袞儼昭煥金童玉女續往
來慶雲為馭天為階長眉刷翠面如月知有道骨無
塵埃令人可望不可及恍惚雲中相出入衣沾玉井
碧蓮香旗翻仙掌露華濕我識泰山封禪書不識此
畫當何如人言西嶽降靈圖西嶽或有人間無

紀喬白巖登絕頂

王雲鳳 山西人

白巖好山如劉伶杜康之於酒方其意會而神授天
地萬有吾何有我昨與之登華山入山瞠目且回首
面又數數顧左右說山之好不離口五里初躋第一
關挽袖向前露其肘我病喘汗兩人扶君換布襪青
鞋舍我而徑走倚樹遙望午到酉翠壁丹崖無覓處
滿壑長松風急吼歸來獨自宿雲臺展轉不昧猿聲
哀明日復至玉泉院日暮君始下山來只疑君與飛
仙去去掠扶桑之枝拂崑崙之樹山中一宿何所為

世人豈得知其故君笑不言口氣氤氲遙指三峰頂上
雲面帶虎豹熊羆色身穿烟霞草樹文君今欲度大
行去澗水巖花花有芬請君為我細說西峰有何好
我欲登時更拉君

石仙人讚

趙儒華陰人

華山之腹仙人形青山白衣何分明由來祇稱仙人
掌古今載籍作山靈突出此形真可玩宛然如玉何
丰範只恐希夷特示踪忻忻若覩當年面

春日遊華山

趙貞吉四川人

望華山岩岩千仞不可攀青蓮削玉浮雲外白雪堆
鹽翠靄間翠靄浮雲度飛鳥黃塵青鏡春風曉銀甲
彈箏芳草傍金槽壓酒垂陽道垂陽近拂枝芳草遠
生滋夢登天姥為金粟醒入西山採玉芝玉女
洗頭邊金粟金仙印掌前人從槎上新浮去舟載瀛
東竟未旋雲臺裊裊綠蘿裏中有一人談不死花外
紅泉度晉人松間華髮為秦語晉人秦語幾聒誼萬
壑千厓老睡魂龍爭虎闢無窮恨狗盜雞鳴不足論
雲歸廢時如流水塵起嚴關一千里髑髏苔上如絲

飛蘿蕪澗底鴛鴦起乍閒歌動雉朝飛同遊數子在
斜暉待予暫解邯鄲急黃鵠騎來住翠微

華山

劉儲秀咸寧人

舉白首兮望華山憶初見兮猶少年峭壁稜層摩蒼
昊孤根磅礴壓洪源往來相看雖咫尺不衝風雨即
為塵土之拘牽敢謂華陰舊令弗知昌黎伯兮但因
鐵鎖倒垂赤手自難攀况復希夷去已遠誰分一半
與垂崖叶縱有茅龍肉眼不能識安得駕空訪子先
洞口九莖長紫芝峰頭十丈開紅蓮欲往採之又隔

井鬼之星曜金精運氣既無望麻姑搔背烏有緣却
謝此山靈祝聖明兮放我還蕙帳猿鶴來問牛馬走
何如石床自在眠烏兔東西任搬運陵谷高低從變
遷覺來登絕頂凌倒景躡飛烟重到玉皇香案前羅
列衆神仙箇中誰是老僊佺招手賜以金廂玉笈篇

華山歌

東漢 華州人

於戲魏律華山高斷崖萬丈連虹橋鴻龐厚地奠金
方從龍挿天礙斗杓吁嗟乎削壁石磴之危險青緇
翠嶂疊瓊琰巨靈分脉怒目張柏人憑凌精刀歛紆

紫蜿蜒糾纏盤躡身莫由眼可觀仙人已去飛白鶴
金鼎徒煉千年丹山崖燁燁山中傑孤高秀拔精華
烈生平自耽愛山癖仰切三峰之高節攀崖躡石事
眇冥直凌霄漢摘天星百里松風響萬壑千歲琥珀
延頽齡志奮濁世倒懸劫摩天回日心不歇仰叩玄
關問帝閭雲翳陰霾何時絕須臾爲我浮雲收修羊
却訝人間侯山靈有懷向我笑山中失却阮與劉開
雲又入蓮花屏蓮花原種玉池井此花根株醫世疴
古云入口冰霜冷海宇炎蒸正炯炯敢與下方點沸

鼎

重修希夷祠歌

劉應元洪洞人

君不見太華山中希夷祠茆屋數椽顏色古戶牖年
深鎖綠苔摧頽畫壁偎塵土誰其修者巡守使玉訥
兩賢乾齋子俯仰靈蹤共躋攀莊嚴遺像同終始神
力由來不日成仙臺恍向人間起棟宇何巍峩丹青
頻照耀仙翁睡起駕九龍侍衛仙童驚廟貌羽化營
魂在此無野花啼鳥春相娛千年誰扣龍眠訣遊客
空觀打睡圖白帝下詔翁猿鶴歸洞府灝靈宮中日

相與玄象真源肆談吐當時龍闕夾馬營那得青山
為道主山門兮常開仙靈兮歸來十洲三島在何處
石函白骨猶成堆仙翁祠傍幾林樾拱護山精夜咄
咄予輩功成報天子來卧新祠看石月

登華山絕頂

朱來遠

廬江人

奇峰萬仞空中立引領去天不盈尺仰接旋聚東井
星俯窺初出靈淵日幾片白雲足下生一雙青鳥山
腰被百尺丹梯傍岩厓千尋鉄鎖臨深谷絕壁直上
胡孫愁孤虹倒掛蒼龍泣巨靈神母真浪傳漢制唐

宗空陳跡羅列兒孫擁獨尊續紵車輓推前轂奮志
清風逼古清捫蘿拂磴勞堪躋踏翻玉女洗頭盆吸
盡金莖承露液嶙峋絕巘削芙蓉峰浪傳雲林布棋局
真人丹灶流玉泉大隱玄修惟石室人代浣業瞬息
移紫府霞宮那盡識兒時壯志五嶽遊惟此西岳最
奇屹仰天長嘯發浩歌谷響山鳴日無色雨餘疏屐
山徑滑山靈應笑非仙骨

登華山

陸壩

岳分太華尊西秦三峰懸削千青旻周擁群峰如列

戟蒼翠萬古寒星辰表裏盤錯純是骨變移昏曉嵐
光新鳥道栗天維風淙閭地沈礧峽縹緲間碧崖恍
稠疊半夜氤氲開闢初神驚靈躍紛疑結日月崢嶸
照不平元氣森森竒大泄我來登陟形神飛不覺失
聲呼勝絕始從蘭舉歷瑤坪砦砦亂石子趣迎峭壁
千仞夾分導綠絳布隙垂巖英俛仰忽忽互回合渾
疑前後不得行轉眄此境屢聞窅磴紆連處惟泉聲
掛天瀑布游雲濕倒巘樛校鳴孫立蘿樹青青宮宇
浮黃冠遙向霞邊集憇以白石床緬思弄瀾液仙掌

若予招玉女蓮花隔長牖谿烟霏五月寒生腋乃爾
東望寰宇之半身世西俯窺河渭之流水帶襟前劃
芳酒在銜遊侶盡適殘陽歛紅明月起白洞中幾許
樓仙真險阻不辭尋訪頻希夷骨蛻埋紫氣至今峽
口遺清塵更欲躡舄危巔一自試冥心寥廓觀無垠
縱爾即非伯昏具子長之懷庶足論胡寧齷齪人間
世使彼山靈遺笑于千春

華山行

李希召

蘭陽人

西嶽太華五千仞石壁俏立磔且儻衆山傾附下奔

走金方環峙皆髭鬚神哉巨靈為我開仙掌至今不
可磷左抱苑林塞何長右接藍田產玉潤羊公仙榻
石室間玉漿馥郁挹雲鬢子先策龍白日去舛卿駕
底雲中還瀑布振雷來天表朱蓮千葉色爛斑夙心
愛道拾靈草駐驂捫藤一躋攀神境遂釋域中戀願
合安期金液駐朱顏

宿玉泉院

陳效川西人

白雲洞口深如許希夷先生睡不起好將睡訣叩山
靈無那山靈不能語桂花寂寂水潺潺倉海桑田瞬

息間夜來一枕莊周夢恍對先生授大還

看華山雪歌

濱東劉餘澤

太華峯外烟飛綠太華峯頭雪如玉玉女池邊堆白
雲仙人掌上葺朱旭陰崖常抱千年冰雪光滿壓寒
光層氣逼金商凝沆瀣香招白鳳舞青藤慚予三負
山靈約策杖山根步還却冰天雪竇風颭颭千樹萬
樹梨花落

華山歌

布政霍鵬

華山突兀太微空劃出嶙峋白帝宮朱陵玄渚分商

北蓬萊閭苑圻西東王女盆頭洗日月仙人掌上掛
蜺虹離離芝草正翕施鬱鬱松柏何青葱千年鹿臥
雲臺下十丈蓮開玉井中青鳥忽自瑤池來口啣王
母書一通為報今朝會白帝上元夫人亦相從車駕
麒麟過四塞扇移孔雀罩三峰會時多校天元籍六
甲行厨徃徃供此景世人那得到惟有羽客識遺踪
君不見漢皇祠五帝又不見淮王禮八公况我區區
持斧者特來華嶽采芙蓉太極洞前逢羽客笑我蹉
跎帶瘦容既授胡麻飯一盃又飲琥珀酒一鍾借問

鶴化金丹訣說在龍泥王策封藥笥十世朝發綠丹
爐七焰夜燒紅真稱火棗交梨訣謾數玄霜絳雪功
知者可以朝帝闕或乘猛虎翳飛鴻藥珠之經多不
載曾揖王母得其宗顧我聞言轍使拜恐是唐代呂
仙翁繾綣贈條臨赤岸飄飄仗劍馭清風憑崖極目
長嘆息朝市山林隔幾重煮金煉石心徒苦投筆請
纓道不同他日男婚女嫁畢還於此地騎茅龍

庚子秋日奉

使遊宿青柯坪漫賦古

行人程嘉賓

搶天仙掌自何年巨靈劈立斧痕鮮一可歷歷摘白
榆下可稜稜挾羽僊僊人久服此中髓紅顏長駐臥
雲煙懸巖一望罩瀑破絕壁遙看石鏡穿黃河一線
觸山足青雲萬疊相勾連玉露高擎薜荔寒天花亂
落掌之前我來攀躡激招呼為君指點三千更大千

題華嶽於玉泉院希夷洞 顧其志

白帝之宮高萬仞崑崙西來勢欲盡大河遶之一線
流千古金方長作鎮巨靈劈開自何年一掌擎天日
月懸丹崖翠壁鎖幽秘蒼龍蟠腹何蜿蜒三峰危峙

卷之二
一
俯寥廓世人那得輕攀緣太乙池中菡萏花明星巖
下棗如瓜五粒青松似偃蓋長蘿糾結覆煙霞中有
芝苓堪服食夜深琥珀生光華玉女憑虛開作館僊
人避靜別為家水晶簾箔真珠幃銀漢倒掛白虹飛
每向風前恣飄灑更宜月下浥霏微琤琮琮聲戛
玉玉泉一道出巖扉希夷先生睡正穩未許疇人測
其蘊我欲酌水問先生坐視時艱得無忍先生有道
非忘世達觀委順聊自引山阿高臥真吾師五龍之
訣勿吾隱

華嶽全集卷之九

欽命鎮寧澧關兼攝河南山陝等處地方軍民事務爲巫山伯馬在耀
欽命鎮寧澧關等處地方提督軍務兼理學政防禦使劉蘇

華陰縣縣令曹士掄編輯
華陰縣學正王名在較正

藝文

詩

五言律詩

唐

觀華嶽

祖詠

西入秦關口南瞻驛路連彩雲生關下松樹倒祠邊

作鎮當官道為雄據大川蓮峰遙上處彷彿有神仙

上方

裴銳

獨上上方上高立聊稱心氣衝雲易黑影落縣多陰
有雪草不死無風松自吟會當求大藥他日復追尋

到華陰

皇甫孝

臘盡促歸心行人及華陰雲霞仙掌出松柏古祠深
野渡冰生岸寒川燒隔林溫泉看漸近官樹晚沉沉

寄華

賈島

玉女洗頭盆孤高不可言瀑流連嶽頂河注華山根

絕雀林藏鶻無人境有猿秋蟬纔過雨石上古松閑

遊張超谷

魯三江

太華鎖深谷我來真景分有苗皆是藥無石不生雲
急瀑和烟瀉清猿帶雨聞幽棲未忍別峰畔日將曛

宋

詔華山處士陳搏

太宗

華嶽多聞說知卿是姓陳雲間三島客物外一閑人
丹鼎為活計青山作近隣朕思親欲往社稷去無因

西峰

陳搏

為愛西峰好吟頭盡日昂嵩花紅作陣溪水綠成行

幾夜礙新月半山無斜陽寄言嘉遯客此處是仙鄉

荅陳搏

葛守忠使臣

華嶽三峰客幽居不計年烟霞為活計雲水作家緣
種藥茅庭畔栽松澗壑邊暫離仙洞去可應帝王宣

謁仙翁祠

書山菴亭

韓絳

玉井不可到玉泉聊可尋馬行穿亂石人語入深林
川迥沙明色溪喧谷嚮音我來方六月雲樹一披襟
元

宿雲臺觀

曹之謙

曼程疲永路寄宿喜琳宮蓮嶽三峰對松林一逕通

地偏殘暑失境靜俗塵空入夜清詩夢山泉落枕中

皇明

和唐皇甫孝韻

楊榮錄姚人

萬里故園心行行及華陰古祠松雨暗西嶽嶺雲深
野燒偏依戍昏鴉正滿林清華官樹近斜日影沉沉

過青柯坪

王履姑蘇人

不識青柯義崎嶇此坪正當攀鎖處微覺有松聲
古殿雲來往遊人鳥送迎神祇香火斷連我因腸鳴

南峰

前人

搔首問青天曾聞李謫仙頓歸貪靜客飛上最高巔

氣吐鴻濛外神超太極先茅龍如可借直到五城邊

水簾洞

前人

隱在南峰背如嫌世俗知偶從清蔭裏微見白光垂
飛濺隨風遠琮琤上谷遲衆仙閑出洞可有在鉤時

仙掌

前人

崖壘泣膏脂俄然掌似之不窮親到實剛釋舊傳疑
巖壁何曾破河流本自馳是非無盡極搔首看風枝

玉女峰

前人

太極總先天明星入道玄玉漿含羽翰璇蓋蕩雲烟

龍馬真隨化神龜也得仙滿庭松陰好匡坐聽風絃

下青柯坪

前人

奇秀掩巔岼休論五十盤半生貪偃蹇從此解雙跚
一澗破秋寂萬松噓晝寒自知清太重不敢再回看

華山

葉祿貴溪人

高聳玉芙蓉秦川第一峰龍蹄含濕霧虎嘯起清風
仙隱來丹詔山靈錫御封兩陽時自若干載仰神功

華嶽

鄧山 內江人

太華飛千仞黃河注一瓢蒼龍蟠紫霧玉女下丹霄

鑿磴皆雲窟攀藤半藥苗夜來重瞻眺歸即夢漁樵

入華

周鼎貴漢人

巍巍峙西土屹屹柱穹蒼秀擢金天異精涵太白光
雲開仙掌出風動井蓮香國典重裡祀宜為民降祥

憶希夷

杜旻燕山人

宕嵒太華巔翠色擁青蓮松暗烏常語洞緘人已仙
清泠雲外磬咫尺望中天何當遠翫俗來此學長年

華山

康海武功人

素志在山水尋常懷此峰那知青玉障天擁翠芙蓉

昔別猶彈劍今過忽杖筇從來丈夫意乖寒日相逢

謁希夷祠

劉大謨儀封人

空堂無個事坐對華山高削翠峰三出鳴絃澗幾遭
頓覺醒塵眼因思解佩刀洞中人睡足笑我不茹桃

咏玉泉

仲杲

殿院藹仙家清幽最可誇樹纏藤罩霧石擎水翻花
洞裏千年夢泉頭萬歲霞曉來亭上坐回首夕陽斜

華山阻雪

楊慎成都人

山頭不可上峪口迫難分遠見三峰雪平鋪萬壑雲

紫霞虛洞府白石閔靈文愧爾神仙骨空懷麋鹿群

華山

史楨 華陰人

巍哉疑古色在處有奇蹤孤直仙人掌高標玉女峰
露寒庭竚鶴雲暗洞歸龍家住青山下平生逸興濃

送趙見泉入華

馬理 三原人

野店寒烟碧征途落葉黃送君登華嶽何日到汾陽
水遶關山遠雲停客夢長圖南多道誼相訊莫相忘

寄華山見泉

萬化 太原人

清才來晉國華嶽仰高風李白狂歌富張塞草聖雄

鷗聲流海外龍德隱山中愧我相逢晚逍遙逐轉蓬

題華

唐龍蘭谿人

崔嵬凌地軸混沌接天光灝氣浮仙斗融風鼓大荒
鶴音通海遠芝草拂雲長散髮希夷子閑中笑我忙

西嶽

許宗魯咸寧人

華嶽雄三輔尊嚴朝百靈金天通灝氣玉峽隱仙庭
谷邃遊秦女峰高卧客星秋風上羽翼吾欲採芝苓

登西嶽廟樓

前人

晚峰春寂寂古廟栢森森立馬千山上登樓萬里心

厓寒留積雪風煖散輕陰欲訪長眠叟其如虎豹林

雲臺觀

前人

勝地雲臺觀空山仙子家門開迎翠嶽壇古秀瓊葩
玄圃春長在丹丘路不賒誰能邀羽客共引白雲車

玉泉院

前人

碧樹交陰裡飛泉繞院鳴映階涵玉潤穿石逗金聲
仙迹三秦古靈源萬水清登臨苦行役聊爾濯塵纓

弔希夷先生

前人

萬古先天易斯人獨妙傳松雲歸華嶽花鳥卧芝田

龍伏英華氣鴻冥處士編石函金骨冷何地更長眠

早發華山

東漢華州人

華嶽聯天表峰頭蘿徑通白雲出岫遠紅日正天中
古木邀高鳥巉巖隱卧龍煩襟滌未盡回首更停驂

題華

東郊華州人

仙隱非寥廓鶯鳴隨處通碧桃懸露裏紺草拖雲中
擬跨揚州鶴真乘瀛海漚埃氛風雨靜杖履勝青驄

登華山希夷峽

東實華州人

脫骨神仙所同來此地攀琳瑯開綉壑雲霧鎖仙關

鶴怨青春暮，猿啼白晝閒。希夷何日返，悵望玉樞還。

雲臺觀

冲雲漢 長安人

山亭浮水曲，載酒又重過。欲訪仙人去，其如白髮何。
風瞪迷丹霧，雲開鎖碧蘿。千年真隱地，坐對且狂歌。

過華山三首

地震後作

靳學顏

濟寧人

七年同水逝，五過北山來。雲雨峰頭掛，蓮花掌上開。
經殘金闕洞，香斷白雲臺。千室危亡裡，憑軒一痛哉。

又

前人

林巖亂駉色，空翠墜征衣。乍可支頤坐，誰能接手歸。

簡閭今幾在樓觀忽全非肉食無仁術今人魄蕨薇

又

前人

何當控六翮飛上蓮花坪呼取仙人博還邀玉女行
雲霞朝結珮松栢夜餐英揮手浮名外金丹或可成

避詔巖

周怡 太平人

高人遺世慮晏坐石山坳撒手走崖壁忘機狎虎虢
人間心已斷身外事全拋大化無來往松風任呌呌

第一關

楊九澤 華陰人

十里行將過盤廻第一關天開一線路地列萬重山

咽嘶鳥聲碎芳妍草色徧三峰插碧漢從此任登攀

望嶽

張養蒙

澤州人

薄宦駢馳路名山指顧間蒼茫通上界縹緲隔塵寰
雲氣偏宜夕秋容故在山直須尋履齒賈勇一躋攀

華山二首

塞來譽

重慶人

三月關門道春光客裏過半生辭劍閣幾度見黃河
白壁應酬未青山望已多勞勞何處酒呼爾一狂歌

又

前人

望望高不極蓮花柰爾何車箱雲欲斷仙掌雪仍多

蒼翠虛雙室，巉岩失太嵯。幾時凌絕頂，長嘯理烟蘿。

望華嶽

孫應鰲

貴州人

十年西嶽夢，今上太清家。歷落天開貌，冲融日載華。
望移雲石亂，興繞洞烟賒。童冠春風侶，仙遊總列麻。

坐青柯坪

前人

曉色千峰出，登臨適道顏。樹分烟影碧，花迸露痕斑。
懸瀑飛雄雨，迴颺肅峻關。本無婚嫁累，何事不棲山。

望嶽

董世彥

州人

西來山不斷，太華一峰尊。直借青天色，寧疑紫氣屯。

玉漿寒自酌石鼓間常存聞道燒丹灶苔迷古洞門

登灝靈樓

王傳朝邑人

愛山忘老至扶杖上層樓臺迥雲霄近峰連日月浮
萬松圍帝閤一水遶丹丘滄海求仙侶何如此地修

十八盤

王時雍

華嶽高千丈登臨路轉盤石梯偏礙馬山木易摧冠
雨過岩花淨雲開眼界寬峰頭遊罷看餘興尚漫漫

東峰二首和韻

王維禎華州人

孤嶂藏身穩招尋奈爾何芝壇隱鹿洞翠壁掛青蘿
谷許幽人賦溪聽孺子歌如聞鳳書至還卧後山阿

又

前人

知戀東峰久幽懷定若何縱吟穿水竹避世入烟蘿
澗月傳孤影松風韻短歌會應逢丹侶騎鶴過南阿

青柯坪

魏允貞

南樂人

遠遊非所志為是愛名山衣掛藤蘿上杯行水石間
孤雲留不去絕壁醉仍攀當謝逍遙子憐予授大還

又

前人

清秋景可乘遊子興還勝渭水流如線蓮峰倚作屏
夜涼人獨酌雲淨月初升欲問仙源路凌風及早登

青柯坪雨

張維新 汝州人

石磴似盤空幽蘿鳥道封天昏五里霧瀑灑半山松
拄杖塵都盡折巾興不慵底須探玉井天上跨茅龍

華山贈蓬頭道人

前人

笑我空搔首逢君懶着冠驚人無謝眺避詔有陳搏
石月千巖靜松風一枕安長生如可學莫惜紫金丹

遊華山六首

張光孝 華州人

早讌寓山孫冥探上鐵垣穠花迷鳥道玄霧敞天門
高拱巨靈掌相邀石榻軒修羊仙子在盡授抱元言

又

前人

太華多仙侶仙多山益靈搏嵐聞鹿駕黃酒見龍乘
石鼓聲猶聽玉漿色自澄悠然寄耳目煉骨此崑崙

又

前人

中峰直聳立古樹蔽峰群北見薜薇廟南愁江漢雲
更憐諸鎮地控此三關軍卓犖遠遊子抱思何所勤

又

前人

捫虱談時務伊人隱此山何如龍蟄子避世駐童顏
誰受移文刺不耽歸馬閒今皇神聖業自潔許由
綸

又

前人

渺渺蓬萊殿峰頭入望時海潮如衛錦山遠拽洪基
雲鴈能聯影巖花合自垂愛茲高蹈地應賦沈卿詩

又

前人

白帝分區里金天障世山省方貽舜座拒戰鞏秦關
地勝驚花媚林深虎豹間登臨成醉傲撫景浩歌還

入華山道中

周斯盛

寧州人

金陡逾天險，重門傍晚過。
望中迎華嶽，陝右次黃河。
五夜驚刁急，三秋列燧多。
比來厭戎馬，回首欲長歌。

絕頂

趙士奇

襄陽人

登高窮絕頂，真乃畫圖看。
疊嶂盤迴曲，飛泉瀉倒瀾。
瑞蓮開玉井，明月照江干。
不到三峰境，安知星斗寒。

望華山

東斐

華州人

靈嶽五千仞，崢嶸拱帝京。
存仙猶漢殿，踐華自秦城。
洞溢金銀氣，岷懸日月精。
挽攀曾絕頂，身傍九天行。

宿鎮嶽宮

南軒 渭南人

生平耽太華今始陟其巔
偃蓋空中出鳴鍾雲外傳
丹丘綈幻化白鶴自踰蹊
起視山頭月振衣欲問天

登落鴈峰

前人

絕巘盤雲上憑虛拂翠嵐
諸峰如戟列一柱與天參
避詔懸崖下朝元削壁南
登臨如未盡猶是動心男

登嶽十吟

范守已 涇川人

憩青柯坪

四望羣峰繞千盤一路通
岩居皆羽客懸度總仙宮

樹影搖深壑，泉聲落半空。登臨聊駐足，展齒欲凌風。

又詠青柯

山高無草木，此地見青柯。翠蓋盤雲雨，虬枝掛薜蘿。
岳蓮遙掩映，仙桂共婆娑。遮莫幽棲者，臨風發浩歌。

登白雲峰

攀緣登絕壁，迤邐到危峰。亭榭盤飛石，雲岩壓短松。
千尋垂薜荔，百疊擁芙蓉。回首塵寰隔，微聞下界鍾。

憇細辛坪

艱危歷萬險，初到細辛坪。洞口千峯聚，羊腸一線明。

浮雲埋澗谷嵐氣變陰晴夜久渾忘寐風聲萬壑鳴

登東峯

振屐凌千仞天風吹我衣層巒羅几席雙洞對霏微
甘露留仙藥玄門泄道機明星何處祀時見彩雲飛

登蓮花峯絕頂

鳥道迴還上仙踪次第尋蓮花垂玉井瀑布掛瑤岑
擬陟青霄外堪求白帝心凌雲一縱目吾意欲抽簪

宿玉女祠

奇石懸丹壑神祠倚翠屏三峰環戶牖六甲護精靈

徘徊聞仙珮夷猶叩玉扃洗頭盆內望夜半浴明星

小憩鎮岳宮

三峰分巖處鎮岳起玄祠林樾飄金磬雲煙護玉墀
蒲團聊試隱羽化遽難期欲逐乘麟者蒼茫不可知

觀玉井

玉井穿何歲源通太液津藕藏十丈種花發幾千春
古甃銀牀冷澄波玉醴新令人思太乙蓮葉卧高真
望仙人掌

山靈如有意仙掌傍危巒欲挹芙蓉露疑彈司寇冠

雲來披玉袂日上弄金丹
指掌傳真訣還當仔細看

絕頂

王來賓 華陰人

世居太華麓攀磴躋層巔
漢外挿蓮葉雲中飛瀑泉
峰陰連砥柱灝氣滿秦川
却憶叔卿子邀余過洞天

捫騷希夷

邢雲路 安肅人

一覺逍遙夢青山別有春
壺中淹日月天外度星辰
羨子空相憶捫君不可親
自憐緣未遇明日又紅塵

華山贈蓬頭道人

前人

羨爾山中客幽居不記年
閒心看白日蓬首戴青天

馮欽仙人露饑餐玉井蓮有時乘鶴去應在翠微巔

雲臺觀禮焦仙人像

前人

道士修真處琳宮華嶽前三峰當戶牖萬壑落雲煙
遂得長生訣真遊大極先聞師蟬蛻日明月正中天

華山

許佑 靈寶人

西嶽千山赴峻嶒萬仞雄瑤空秋落鴈玉井晝飛虹
碧殿明斜日青柯送遠風降神真此際申甫思何窮

題華嶽

許仕 靈寶人

萬壑分幽徑三峰聳碧空吟邊渾勝槩望處見仙宮

白日低垂照晴雲亂逐風何綠登絕頂一覽帝國雄

總華圖

張守乾輝縣人

真位雄西土灝靈配岳宗嵐開金函首翠削玉芙蓉
邃谷遊仙女高峰隱卧龍時興仰止念幾欲杖孤筇

雲臺觀圖

附玉泉院

前人

仙臺雲作觀玄院玉名泉一脉清流瀉雙峰翠靄懸
陰晴隨變晝夜自潺湲尚想希夷子高眠不計年

莎蘿坪圖

附水簾洞

前人

太華峰頭路通天此一門莎蘿危壑靄虎豹遠山躡

雲傍孤筇起日從斷嶺暄不能生羽翰空自憶消魂

星宿潭圖

附水簾洞

前人

星宿潭邊洞簾垂瀑布名水從潭外落星向洞頭明
萬斛珠璣瀉千尋水玉傾仙家愛幽靜天意為生成

題青柯坪

貞一元

華陰人

高峰壯華嶽峭壁臨青坪巖半巖懸樹山空鳥弄聲
黃河迎面注紫氣盪胸生忽聽秋蟬噪臨風覺自驚

希夷峽即韻

王庭謨

華州人

獨立孤峰上長吟意自昂松聲笙作韻嵐氣錦為行

汲石窺丹灶，捫蘿望夕陽。
徘徊不欲去，爲問白雲鄉。

華山

楊九經 華陰人

自易登山履，尋真入道壇。
觀峰狹世界，坐榻隱烟巒。
鳥宿木初晚，春殘水尚寒。
白蓮生玉井，摘實合仙丹。

希夷峽

星槎

先生原好睡，高枕此崇阿。
泉響流寒玉，巖深長薜蘿。
風塵天際杳，歲月夢中多。
欲知長生訣，山靈寧許麼。

由張超谷投青柯坪作

俞安期

姑蘇人

進履懷僊掌，扶藜絕鳥群。
谷中五里霧，山半百盤雲。

苔樹青柯偃花煙赤溜分峽門有渭曲水日蕩餘紛

春日遊雲臺觀

東野華州人

樹老知庵古石多見路嶮長松凌絕壁野鳥下平蕪
遠眺心偏壯豪吟興未孤三峰青入座佳景勝堪圖

和南陽谷公華山韻

東槧華州人

乘春探華嶽携我白雲巔望極三秦小詩成四海傳
巨靈何巖巖毛女更躡躑欲盡平生力高飛傍九天

高則益南昌人

迢迢綠石徑寂歷向天門日月光相避參辰晝可捫

松高寒色駐苔古白雲屯千載嵒樓者仙風可具論

遊華山

周宇 西安人

夜半驚風兩朝來望渺冥遲迴占日影輾轉乞山靈
界雪參差翠流雲出沒青峰陰須淨掃騰踏好書銘

遊青柯坪

南軒 渭南人

浮生慙半百策杖到青柯鼓瑟乘春莫時季春同四門人故云
探玄遺跡多三峰開碧障一瀑瀉銀河俯仰風塵外
翛然發浩歌

宿鎮微宮

前人

生平耽太華今始陟其巔偃蓋空中出鳴鍾雲外傳
丹丘疑幻化白鶴自蹁躚起視山頭月振衣欲問天

登落鴈峰

前人

絕巘盤雲上憑虛拂翠嵐諸峰如戟列一柱與天參
避詔縣崖下朝元削壁南登臨如未盡猶是動心男

希夷峽

南憲仲渭南人

圖南曾在石遺骨至今存碧澗蒼松合丹容白日尊
千年仰蟬蛻九轉憶真源不出風塵外安能長扣門
徂暑念一日晚宿玉泉院偶憶乙酉亦以是月

登岱感而有賦

萬愛民

乙酉曾登岱于今十二年那知作吏日更結看山緣

縣在萬
治山中

弔古遊天柱

康節隱
居處

馮虛探玉蓮吸來仙堂

露好賦白雲篇

水簾洞遇異人有述

疑始真人

翩翩青鳥來秋空不可掃小別統千年難字驚絕倒
皎皎秦山月離離漢宮艸遺我南天燭報君如何素

如何即
人素

絳河幾萬里山川復問之那知洗髓後又共拍肩時

開憶青牛度簫應彩鳳隨仙人原異氣勿為中散

登山

邑人簡養直

憶昔讀書處開窓對芙蓉兒孫峰似戟瀑布水如龍
野鳥喧吾坐山猿掛壁松復來尋勝處徧歷訪仙蹤

灝靈樓

邑人負一清

白帝金城壯西玄正素秋密蘿垂日暗古栢繞雲幽
泉自三峰落鍾于萬壑沅塵心一栖息滿灝灝靈

華嶽全集卷之十

欽命鎮寧潼關兼攝河南山陝等處地方提督軍務兼理學政防禦使劉蘇

華陰縣縣令曹士檢編輯
華陰縣學正王名忠較正

藝文

詩

五言排律

隋

行經太華

孔德紹

紛吾世網暇靈嶽展幽尋
寥廓風塵遠杳冥川谷深

山昏五里霧日落二華陰竦峰起蒼葉危塞隱桃林
何必東郡外此處可抽簪

唐

祀西嶽

玄宗

錦駕去京邑鳴鑾指路川循途經太華迴蹕暫周旋
翠峯留斜影懸崖凝夕烟四川皆石壁五位配金天
彷彿看高掌依稀聽子先終當銘歲月從此寄靈仙

陪祀

張說

西嶽鎮皇京中峰入太清玉鑾重嶺映緹騎薄雲迎
霽日懸高掌寒空應削成軒遊會神處漢幸望仙情

舊廟清林古新碑綠草生群臣願封岱迴駕勒鴻名

陪祀

張九齡

萬乘華山下千巖雲漢中靈居神奧密睿覽忽玄同
日月臨高掌神仙仰大風攢峰勢岌岌翊贊氣熊熊
揆物知幽贊銘勲表聖衷會應陪玉檢來此告成功

華山

鄭谷

消刃聳巍巍晴嵐染近畿孤高不可狀圖寫盡應非
絕頂神仙會半空鸞鶴飛雲臺分遠靄樹谷隱斜暉
墜石連村響狂雷發廟威氣中寒澤闢影外日樓微

雲對蓮花落，泉橫露掌飛。乳懸危磴滑，樵微上方稀。
澹泊生真趣，逍遙息世機。野花明澗路，春蘚澁松圍。
遠洞時聞磬，羣僧晝掩扉。他年洗塵骨，香火願相依。

華山

張喬

青蒼河一隅，氣壯杳難圖。卓傑三峰出，高竒四嶽無。
力疑擎上界，勢猶壓中區。衆水東西走，群山遠近趨。
天迴諸宿照，地聳百靈扶。石壁烟霞麗，龍潭雨露餘。
澄凝臨甸服，險固束神都。淺覺川原異，深應日月殊。
鶴歸青霽合，仙去白雲孤。獨瀑斜飛練，長松倒掛株。

每來洞穴下不擬遶江湖倘有芝田種岩間寄野夫

登絕頂下告張籍

韓愈

洛邑得休告華山窮絕陁倚岩耽海浪引袖拂天星
日駕此迴轄金神所司刑泉紳拖修白石劒攢高青
磴蘚漣拳跼梯颺颺伶俜悔狂已咋齒垂誠乃鑽銘

送楊尚書祭西嶽

姚合

報功嚴祀典寵詔下明庭酒氣飄林嶺香烟入杳冥
樂清三奏備辭直百神聽衣拂雲霞濕詩通水石靈
何因逐駟騎暫得到岩扃

寄華山隱者鄭氏

張籍

獨坐三峰下年深學煉丹一間松葉屋數片石花冠
酒待山中飲琴將洞裏彈開門移遠竹剪草出幽蘭
荒壁通泉架晴崖晒藥壇寄知騎鶴客長向白雲看

華山慶雲見

無名氏

聖主祠名嶽高風發慶雲金柯初繚繞玉葉漸氤氲
氣色含朱日光明吐翠霞依稀來鶴態髣髴列仙群
萬樹流光影千潭瀉錦文蒼生忻有望祥瑞在吾君

宋

憶希夷

宋景文

仙館三峰下年華百歲中夢休孤蝶往蛻在一蟬空
蓋笈微言秘霄辰浩氣通丹遺砥後鼎林遣御餘風
布霧沉荒白食霞委暗紅蛾眉有歸約飛步與誰同

皇明

王泉院

王履姑蘇人

昨轉希夷洞旁山兩盡屏宿雲團滃白微峭吐寒青
初晰雄噓彩餘烟小遯形勁風傳遠勢連樹報繁聽
苔徑陰長澹雲關宵不扃氣從當夏肅葉赴未秋零
玄化韜空曲神機注眇冥地關才小試靈景頓孤醒
真秘懷招拒浮辭忽巨靈茅龍將幾化舡藕是何齡

眇麼醯中蠅浮遊水面萍未麾兒女戀那得鳳凰翎
一任懸危鏤須當到絕陁只今酬願畢詩以記曾經

華山 二十韻

李夢陽慶陽人

有嶽雄西土三峰挿渭川省方朝白帝分野障金天
逖矣威靈赫遐哉秩望虔百王開寶籙七聖演瑤編
綺殿丹青列文憲俎豆聯風雲蒸大壑日月避層巔
鸞舉天門闢鰲呿地軸旋岩巒莽翕沓嶺障鬱絳翩
猿掛仙人掌蘿飛玉女泉霞雰夕的樂錦繡曉相鮮
葛藟搖金壁芝苓冒紫烟石膏滲復結鍾乳滴猶懸

右壓秦胡壯南包漢鄧偏徒追散馬日緬憶祖龍年
箭括通神戶雲臺秘妙筌豈惟栖鳳侶亦以邀鴻賢
方士騎茅狗官人採石蓮寒帷瞻窈窕挂笏帳攀緣
陰井邀雷馭陽崖起電鞭聊遊凌絕頂不為學神仙

宿玉井樓二首

李攀龍歷城人

玉井通溟海朱樓冠削成波傳朝夕到檻接斗牛平
琥魄侵燈出蓮花傍枕生拂盆雲髮暗映掌月珠明
犯座人間像浮槎世上情不愁更漏絕石鼓自能鳴

又

前人

不寐芙蓉冷幽棲薜荔驚靈洞秋顛顛毛女夜妖精
暗穴龍蛇走深林虎豹耕星連碁石布兩共洗盆傾
霜絕千尋鎖風邀五舌笙豈因臨帝座呼吸變陰晴

華山

宋儀望 永豐人

分疆值鵠首莫位配金方太華連天起元精應地昌
抗衡四嶽並受紀百神相望祀因虞帝巡遊誦漢皇
雲臺懸斷壁御道跨飛梁露滴仙人掌池涵玉女湯
別宮開紫府深洞隱丹房仙錄金箱秘軒文石室藏
削成按圖紀突兀俯穹蒼礪草留名藥岩泉吐異漿

何當棄軒冕長此奉三光

遊華山十二韻

張維新 汝州人

西來登太華探勝更無山
氣岸青天入風襟翠壁環
雄盤三輔地陰倒大河灣
軒馭群靈集唐封幾代還
巉巖懸日月飛瀑響潺湲
洞秘金仙籙窓窺玉女鬟
窮高愁鳥絕躡險怯猿攀
少室晴烟外金秦夕照間
憑凌披巨掌寥廓出人寰
紫栢紅霞爛白雲丹竈閒
瀉樽餐黛色磨石洗苔斑
結隱知何日高歌且破顏

遊華山次張岐東年丈十二韻

李應祥 無錫人

登眺吾生癖，奇觀獨此山。
龍從三獸起，葱蒨萬峰環。
星漢瑤光逼，河流線影灣。
谷深和霧入，巖絕倩雲攀。
參井垂肩際，羗胡引目間。
席前紛紫翠，樹杪下潺湲。
洞古蟬終蛻，峽空龍不還。
峰霞明巨掌，盆露濯仙鬟。
世以觀棋換，機因避詔閒。
凝神通帝座，舉足出塵寰。
殿閣飛僊境，關城著面班。
圖南如可作，願托駐朱顏。

春日重遊玉女峰懷友

王亮

臨海人

春霄瞻華岳，嗟峨俯漢京。
千峰飛翠黛，一水瀉青瓊。

松粒雲邊種蓮花天際生霧疑仙掌潤日照帝台明
峭壁獼猴掛丹堦青鳥鳴迷津憑處士覺路藉初平
千天嶂中過三峰頂上行雷岩懸日月龍巖接蓬瀛
陽洞誰留榻天池可濯纓振衣朝玉女散步掇金莖
避詔先賢宅探竒我輩情洗心群慮釋曠覽萬緣輕
詹尹龜疇遠王郎鶴韻清那無九節杖虛負八公盟
鴈落峰前月鶯傳柳外聲相期應不淺漂渺共吹笙

希夷峽圖

附上方峰

張守乾

輝縣人

三峰雄白帝一峽占神仙洞口烟霞靄嵯巖日月懸

芝苓生香雜圖畫鬱繇翩莫問夢為蝶從知脫似蟬
庚申隨寤寐甲子任周旋面壁曾云道長眠却是玄
刀圭何獨悟黍粒竟誰傳窸窣蒼山暮焚香理道編

恭謁西嶽廟有述十二韻

俞安期東吳人

虞巡省方至軒駕會神遊靈嶽尊稱古祠宮典秩優
星文麗井野地軸接雍州帝德司金位仙儀拜玉旒
彤墀高碧殿絳闕擁朱樓直影三峰下榮光八水浮
周庭琪樹覆溢井醴泉流埋瘞遵皇古歸藏協素秋
採天勞巨掌興雨仗神休幽贊瑤篇發玄功瑞檢留

析靈需盛世勒字紀冥搜
願托雲中乘逍遙御玉蚪

張道尊登華排律次韻

萬愛民

寓內多靈境古今推華山
泉噴石竇吼苔結碧流環
指顧蓬萊島微茫星宿灣
白雲頻聚散青雀幾飛還
蘿洞同秋爽松濤入夜溪
金蓮發玉井水鏡映珠鬟
鶴馭尋常到蟾宮咫尺攀
晴光搖座右嵐氣落杯間
瀟灑非凡界清冷遠俗寰
茗酣情自適夢覺意偏閒
仙骨真蟬蛻法言摠豹班
何當祈大藥萬劫駐朱顏